

AVISU

Publicau s' avisu "NARA MI" po sa tzertificatzioni linguistica orali de is lènguas minoritàrias e variedades alloglotas

S' assessorau regionali de s' Istruzioni Pùblica comunicat chi s' est istituida sa **tzertificatzioni linguistica, "NARA MI"**, de sa connoscèntzia orali de sa lèngua sarda, de su cadalanu de S' Alighera, e de is variedades alloglotas tataresu, gadduresu e tabarchinu.

Sa tzertificatzioni orali at a essi cunsiderada tìtulu de amissibilità po pigai parti comentis a espertu de àmbitu o de collaboradoris in is Laboratòrius Extracurricularis Didàticus.

Podint pigai parti a sa protzedura is personis físicas cun a su mancu 18 annus de edadi, a manera particulari is chi funt interessadas a fai is collaboradoris in is Laboratòrius Didàticus Extracurricularis cunforma a s' art. 19 de sa LR 22/2018, e a is progetus de su cali a su comma 2, lìtera c e 3 de s' art. 22 de sa pròpiu lei.

Sa domanda bolit imbiada in cabu de is **oras 12.00 de su 27 de gennàrgiu 2023** po mèdiu de PEC a s' indiritzu: pi.cultura.sarda@pec.regione.sardegna.it, firmada a manera digitali o cun firma autògrafa.

S' in casu de firma autògrafa, bolit posta in allegau a sa domanda finas una còpia (ambaduus ladus) de unu documentu de identità.

Po informatzionis: pi.cultura.sarda@regione.sardegna.it.